

# ¿Tajtzina tu'n taq'unan? ilte' qe te toklen!

Ajo kawb'il ti'j aq'until tz'elpina jun ch'uq kawb'il nchi kolin kyi'j kyaqil xjal nchi aq'unan toj tnam te Estados Unidos, majqexja jni' xjal nti' kyu'j tu'n kynajan tzalu'n, majqex jni' jni' k'wal ex ku'xen. Aqe kawb'il lu'n in ok kyq'o'n kyoklen kyaqil xjal aq'unal.

## Noq jte' tab'q'iy, ajqa in aq'unan toj tnam te Estados Unidos, at te toklen kyi'j kolb'il lu'n.

Aqe xjal nchi tzaj q'onte aq'until il ti'j tu'n kykub' tni'min kawb'il q'uma'nkj ti'j aq'until tze'nku kyab'i. Ajqa na'm tjapin tab'q'iy te 18 ab'q'i, mlay b'ant tu'n toksin aq'unal toj jun aq'until nim il ja'ku tzaj toj.

Ajqa te 14 mo 15 tab'q'iy, ja'ku b'ant tu'n taq'unan noq toj amb'il tze'nku in etza toj jaxnaq'tzb'il. Ex qa ikyja, mlay b'ant tu'n taq'unan:

- ▶ 3 paq amb'il kyoj q'ij tze'nku nxi'ya toj jaxnaq'tzb'il
- ▶ 8 paq amb'il toj amb'il tze'nku in etza toj jaxnaq'tzb'il
- ▶ 18 paq amb'il kyoj wuq q'ij tu'n t-xi'ya toj jaxnaq'tzb'il
- ▶ 40 paq amb'il kyoj wuq q'ij mya' toj amb'il te jaxnaq'tzb'il.

Mlay b'ant tu'n taq'unan na'mtaq tjapin kanen amb'il te 7:00 a.m. te qlixje moqa tze'nku aj tiku' amb'il te 7:00 p.m. te qnoky'en toj noq alkye q'ij te aq'until, noq o'kxa tze'nku toj q'ij 1 te Junio toj Tq'ijil Aq'until, ja'ku b'ant tu'n taq'unan toj q'ij lu'n aj tpajen amb'il te 9.00 p.m amb'il te qnoky'en.

Mya' mikyxe te kawb'il kye xjal nchi aq'unan toj tx'otx'.

Ite' junjun tnam ex plaj tnam  
ja' mya' mikyxe kawb'il te  
kolb'il kyoklin aq'unal.


## AJO XJAL NTZAJ Q'ONTE AQ'UNTL MLAY B'ANTTU'N

- ▶ Tu'n tkub' ttzyu'n pwaq te chojb'il taq'un aq'unal
- ▶ Tu'n mi'na txi' ttzaqpi'n tu'n t-xi' toj jaxnaq'tzb'il
- ▶ Tu'n tok tb'inchin b'ujb'il
- ▶ Tu'n ttzaj tq'uma'n jun tyol mya' b'a'n te aq'unal moqa te tjaxjal
- ▶ Tu'n tok t-xob'tzin aya qa tu'n t-xi' tq'olb'in inmigración moqa policía ti'ja
- ▶ Tu'n ttzaj tq'uma'n teya tu'n mi'na txi' tq'uma'n tab'q'iya a axix
- ▶ Tu'n t-xi' tel tiq'in tu'ja, k'uxb'il te yolb'il, mo noq ti' junti tiq'in
- ▶ Tu'n ttzaj tq'uma'n tu'n tkub' kxey tuk'e
- ▶ Tu'n tok tb'ujin, tu'n tkub' tsb'u'n, mo tu'n tkub' tb'inchin mya' b'a'n tu'n tok tb'ujin
- ▶ Tu'n mi'na tzaj ttzi'yin mo mi'na tzaj tq'o'n amb'il tu'n tajlaln mo tu
- ▶ Tu'n t-xi' q'umet kye K'wal tu'n tkub' b'inchet aq'until nim il ja'ku tzaj toj ( ajqa na'm kyapen te 18 ab'q'i)

## AQE AQ'UNAL IL TI'J TU'N

- ▶ Tu'n Kyetz chjo'n kyaqil q'ij ex amb'il in aq'unan
- ▶ Tu'n tetz q'o'n chojb'il te tze'nku q'o'nkj tu'n kawb'il (noq o'kx tu'n tk'u'lil)
- ▶ Tu'n tetz chjo'n horas extra ajqa ma aq'unan 40 paq amb'il toj wuq q'ij
- ▶ Tu'n ttzaj nik'u'n tu'mel ti'j kolb'il te txmilala ex tu'n nti' tu'n tb'ajteya toj aq'until ex il ti'j tu'n ttzaj q'uma'n toj tyola a in el tniky'a te
- ▶ Tu'n tetz q'o'n t-xb'alen te kolb'il teya toj aq'until (tze'nku jni' potzb'il tq'ob'a ex potzb'il ttziya) ajqa il ti'j tu'n tajb'en tu'na
- ▶ Tu'n ttzaj tq'o'n amb'il tu'n twa'na ex tu'n t-xi'ya tz'a'lil
- ▶ Tu'n tkub' tni'min kyaqil kawb'il q'o'nkj te q'umal amb'il tu'n taq'unan tze'nku tab'q'iy

# ¿TZE'N JA'KU JA'KU CHI KLET **TOKLEN TOJ AQ'UNTL?**



## TU'N T-XNAQ'TZIN TIB'A

Tu'n kyok  
tajtzqi'n kyaqil  
toklen toj temb'il  
te taq'un.

At toklena tu'n  
taq'unan toj tb'anel,  
tu'n tetz chjon toj  
amb'il, tu'n taq'unan  
toj amb'il q'uma'nkj  
tu'n kawb'il.

## TU'N TKUB' TTZ'IB'IN

Tqanil jni'  
taq'un nb'ant.

- ▶ Jte amb'il in aq'unan ex alkye q'ij
- ▶ Jte' pwaq in etz chjo'n
- ▶ Alkye amb'il in etz chjo'n
- ▶ T'i'j kyaqil tb'i ex tb'eyil tja in tzaj q'onte aq'untl,  
nejenel, ex tb'eyil ja' ta'ya aq'untl.

Ja'ku tz'ajb'en  
k'uxb'il lu'n  
aplicación DOL-  
Timesheet moqa  
un u'j ja' tu'n  
tku'x tz'ib'eta  
kyaqil tqanil lu'n.

## TU'N TYOLIN

B'a'nx yolin tuk'e  
jun ti>j xjal ja'ku  
tz'ok qe tk'u'ja  
ti>j, tze'nku jun  
mamb'aj, q'ol  
tu'mel, ajkolil  
xjal, mo jun  
ajxnaq'tzal.

Ajqa ma tz'ok  
b'inchin mya' ti>ja,  
qa ma tz'el iky'ina,  
qa mya' kuj ta'y'i  
toj aq'untl, moqa  
at jun xjal oje tz'ok  
tb'inchin ti>ja toj  
aq'untl, il ti>j tu'n  
tku'x ttz'ib'ina  
kyaqil il in b'aj ex  
alkye tajjal xjaw  
tekuj tb'aj. Ajqa  
ma ky'ixb'ey, b'anx  
txi'ya toj jaq'anmil,  
b'ex k'a tz'el tiq'ina  
tilb'il kyixk'oj ti>ja,  
ex b'a'nx k'u'na ti>j  
tu'ja k-elitz q'o'n toj  
jaq'anmil.

## TXQANTL TQANI KYIB'AJ TOKLENA

**Ajqa at jun xjal in aq'unan tuk'a toj  
tnam te Estados Unidos a mi'na  
nkub' tni'min kawb'il, moqa at jun  
xjal nq'uma'n teya tu'n taq'unan nim  
ex qa mya' mikyxe tze'ku ntq'uma'n  
kawb'il, ja'ku tzaj q'o'n onb'il teya  
tu'n ttzaj mojin tuk'e tu'mel twutz  
kawb'il.** Nim toklen tu'n tyolina tuk'e  
jun ajkolil xjal twutz kawb'il. Ajqa at jun  
xjal nkolin ti>ja te inmigración, moqa  
jun ajkolil xjal te KIND, ja'ku b'ant  
tu'n ttzaj q'o'n onb'il ti>ja tu'n tknet  
jun xjal te kolil teya twutz kawb'il. Ex  
ja'ku tz'okx tq'uman tqanil jun il twutz  
jakawb'il nkolin kyi'j aq'unal tze'nku qa  
mi'na xkub' ni'min toj jun aq'untl.

- ▶ Ka'yinkuxa txqanlt tqanil kyib'aj toklen toj tnam twutz aq'untl kye ku'xen: [www.dol.gov/agencies/whd/youthrules/young-workers](http://www.dol.gov/agencies/whd/youthrules/young-workers)
- ▶ ¿Mi'na in etz chjo'n twi' tk'u'ja moqa in aq'unan nim amb'il? Q'olb'inxa tqanil toj Temb'il te Kolb'I Chojb'il Aq'untl, ex Amb'il te Temb'il te Aq'untl (Wage and Hour Division of the Department of Labor) al 1-866-487-9243 or [www.dol.gov/agencies/whd/contact/complaints](http://www.dol.gov/agencies/whd/contact/complaints)
- ▶ ¿Mya' kuj Ta'yiy toj aq'untl? Q'olb'inxa tqanil toj Temb'il te Kolb'I Chojb'il Aq'untl, ex Amb'il te Temb'il te Aq'untl (Wage and Hour Division of the Department of Labor) al 1-866-487-9243 or [www.osha.gov/workers/file-complaint](http://www.osha.gov/workers/file-complaint)
- ▶ ¿Ma ky'ixb'ey toj aq'untl? B'anx txi'ya yek'il tib'a toj jaq'anmil ex b'a'nx qanina toj temb'il ja' in aq'unan tu'n tetz q'o'n jun u'j tu'n tetz Chjo'n Taq'unan te jun xjal q'ol aq'untl. Ja'ku b'ant tu'ntetz q'o'n chojb'il lu'n ex qa na'm tjapin tab'q'iy te 18 mo' nti' tu'ja. Il ti>j tu'n tetz q'o'n pwaq lu'n ex qa noq alkye at tpaj ti>j il. Noq tze'nchaq ku kawb'il toj junjun plaj tnam, ja'ku tb'inteya txqantl tqanil tzalu'n [www.dol.gov/general/topic/workcomp](http://www.dol.gov/general/topic/workcomp)

## ¿Alkye qe aq'untl ja'ku tzaj nim il kyoj?

Ja'ne kchi kjel chiky'b'et  
Alkye qe aq'untl nim il  
ja'ku tzaj kyoj:

**Tu'n tb'etsin xkotzon**

**Te b'inchil pan**

**Toj Minería**

**Te q'ol toj twi' ja**

**Te che'l tuk'e kxb'il**

**Tze'nu in ajb'en yotx  
mo wa'b'il kyu'n**

**Ti'j aq'untl te b'etsil kxb'il  
te qitil, te meltz'il, mo te  
moch'il kxb'il**

**Te k'ayi toj b'e, kyoj  
temb'il toj b'e, moqa  
ttziyila ja**

**Te b'inchil mutz' loq', toj  
twi' ja mo noq ti' juntl**

**Te b'etsil kxb'il te che'l  
chib'j te wakx mo kye  
eky' moqa te aq'unal kyi'j  
kxb'il te xb'ajsel chib'j**

## ¡Ité' te toklen!

Ex qa antze in  
aq'unan toj jun aq'untl  
nim il ja'ku tzaj toj mo  
mya' ajtzqi'n tu'n.

## ¿Ti'chaq tzin u'j ja'ku chi ajb'en tu'n tb'ant taq'unan?

**Aqe xjal mya' txjalil tnam te Estados Unidos, il ti'j tu'n tetz jun tu'j  
tu'ntzun tb'ant taq'unan moqa ajo tu'j te tnajb'el te antze** (ex ajtzqin  
tuk'a tb'i te "tarjeta txa'x" ("green card")) te Temb'il te Kolb'il te Tnam  
(Department of Homeland Security), ex majx jni' tajlal tu'j te Kolb'il tey  
toj Tnam.

Tze'nu in etz q'o'n jun tu'ja te Kolb'il tey toj Tnam mya' tz'elpina qa  
ja'ku tz'aq'unan twutz kawb'il. Ajqa taja tu'n tb'inteya txqantl tqanil ti'  
tu'mel tze'n tu'n tb'ant taq'unan b'i'n tu'n kawb'il te tnam te Estados  
Unidos, il ti'j tu'n tyolina tuk'a jun ajkolil xjal te inmigración.

**Ité' junjun ajkawil te tnam ntzaj kyqanen "u'j te aq'unal"** te kye  
kyaqil k'wal ex ku'xen nchi aq'unan. Ja'ku b'ant tokx kyqanen tqanil  
lu'n toj jaxnaq'tzb'il.

**Ex qa nti' qe tu'ja lu'n, il ti'j tu'n tkub' kynimin qe xjal  
nchi q'on aq'untl aqe kawb'il lu'n te kolb'il kye aq'unal.**

- ▶ Ex ja'ku txi' tq'olb'ina tqanil toj Temb'il te Aq'untl toj najb'il te tnam ja'  
ta'yiy ex k'wel tjiyon tnam ja' najliy kyxol ja lu'n: [www.dol.gov/agencies/whd/state/contacts](http://www.dol.gov/agencies/whd/state/contacts)
- ▶ ¿Ma tz'ok q'on aq'unal exsin tky'ey? Ja'ku tzaj tq'olb'ina tqanil toj Tajlal  
Yolb'il twutz Tnam te Kolb'il kye Xjal twutz elq'in 1-888-373-7888 moqa  
tu'n t-xi' t-sman jun tqanil toj INFO toj tajlal yolb'il 233733 moqa tzalu'n  
[www.dhs.gov/blue-campaign](http://www.dhs.gov/blue-campaign)
- ▶ B'a'nx tz'ib'in jte' amb'il in aq'unan toj jun k'uxb'il o'yin te q'il tqanil jte'  
amb'il in aq'unan [www.dol.gov/agencies/whd/timesheet-app](http://www.dol.gov/agencies/whd/timesheet-app)

**¡OJTZQIN QEKA TOKLENA!**  
**¡B'A'NX TZ'IB'INA TI'J TQANIL B'UJB'IL!**  
**¡Q'UMANXA TQANIL!**



Tu'n tb'ant tajtzqinteya txqantl tqanil ti'j toklena ex  
tu'n tknet txqantl tu'mel onb'il jyonkuxa tzalu'n:  
**[supportkind.org/preventing-child-labor-exploitation](https://supportkind.org/preventing-child-labor-exploitation)**

Ajo tqanil ma tz'ex chiky'b'et noq te q'umal jun tu'mel ex mya' chiky'b'el tu'n kawb'il.

**KIND**  
KIDS IN NEED OF DEFENSE